



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac Ex Probatis Auctoribus breviter concinnata

**Busenbaum, Hermann**

**Coloniae Agrippinae, 1713**

Q. 50. Qualis debeat esse figura hostiæ consecrandæ.

**urn:nbn:de:hbz:466:1-42624**

sacro chrismate unguntur , uti vestes benedictas ; item corporalia & purificatoria post lotionem, aut calices consecratos , priusquam adhibiti sint Sacrificio.

§. 3. Sporer n. 404. dicit Ordines mendicantes habere, ut omnes sui Religiosi, etiam laici , dum sacristæ officio funguntur , omnia sacra vasa, corporalia, purificatoria tangere & lavare possint. in Societate nostra Sacristani laici ex venia Superiorum licitè ista tangunt, sed Sacerdos, qui est Præfектus Ecclesiæ, non autem Sacristanus laicus , primò abluit purificatoria & corporalia, quibus adjici solent pallæ , quando lotione indigent.

§. 4. Si sacra vasa actu contineant Corpus vel Sanguinem Christi, tangi possunt à solo Sacerdote & Diacono : quod si inferior tangat, omnes communiter cum Sporer n. 403. damnant mortalis, quamvis Ochag. & Gob. n. 327. negent esse mortale.

Q. 50. Qualis debeat esse figura hostiæ conseruanda. R. §. 1. Græci in majore hostia utuntur figurâ quadrangulari; in minoribus , etiam triangulari: sed latini in utrisque utuntur orbiculari, de quibus doctè discurret Arcud. in Concord. Occid. & Orient. Eccle. L. 3. c. 38. & Card. Bona Rer. liturg. L. 1. c. 23. n. 11. Estque hic mos sub præcepto servandus in utraque Ecclesia. Magnitudo hostiæ, quam sumit Sacerdos, apud latinos in diametro circiter tres pollices adæquat.

§. 2. Dian. Marchant. Tamb. Aver. q. 11. s. 12. docent licitum esse Missam legere cum parva hostia secluso scandalo, si desit major , etiamsi non sit necessitas celebrandi, sed sola devotio : si

tamen habeat majorem consecratam , putant multi hanc posse elevari , ut vitetur admiratio populi. Quid facere debeat celebrans , quando advertit hostiam esse fractam , dixi l. 6. p. 1. num. 432.

363. Q. 51. *Quid circa Missale & ritum celebrandi sit notandum.* &c. seqq. §. 1. Non est opus , ut Missale sit benedictum : si autem in necessitate celebrandi desit Missale , satis est , si Sacerdos aliquam Missam in charta descriptam ante se habeat , Tamb. Gob. t. 3. n. 304. Lohn. p. 1. t. 3. §. 1. n. 6. aut ex memoria dicat , Laym. Gob. Verj. t. 8. a. 7. n. 6. Sporer n. 388. contra Tann.

364. §. 3. Si quis visu careat ad legendum Missale , possit tamen adhuc videre hostiam & calicem , nec periculum sit amittendi particulas aut irreverenter tractandi Sacramentum , dicere potest Missam , quam de memoria scit , nam non requiritur , ut quis Missali utatur , sed tantum præcipitur , ut adsit in altari ad usum , si sit opus . Ut autem vitetur scandalum , debet Sacerdos talis omnia peragere cum Missali , atque si vide-ret. Gob. n. 302.

365. §. 3. Sacerdos v.g. Dominicanus , si sit in missione , debet se accommodare ritui Romano in legenda Missa , saltem quoad illa , quæ exterius apparent , ut sit conformitas & non turbetur populus , Verj. a. 13.

366. §. 4. Sacerdos Coloniae beneficiatus & resi-dens , non potest legere Missam ex Missali Trevirensi , potest tamen semper & ubique uti Missali Romano tanquam matricis ecclesiæ , Less. in Auct. V. Horæ canon. Casu 7.

367. §. 5. Sacerdos ritus Romani non potest nequidem in ecclesia Regularium uti Missali talis Ordin-